



Universitätsbibliothek Paderborn

Cvrsus Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. V. Expediuntur reliqua ad objecti materialis Fidei notitiam
spectantia.

urn:nbn:de:hbz:466:1-13826

SECTIO QUINTA.

Expediuntur reliqua ad objecti materialis Fidei noticiam spectantia.

I.
Fueritne ea-
dem semper
Fides in Ec-
clesia.

QUERITUR primò: Utrum eadem fuerit semper Fides, an successu temporis creverit: novique aliqui sint articuli revelati. Ad hujus questionis resolutionem tria distinguenda sunt Ecclesia tempora, status scilicet legis naturæ, legis scriptæ, & legis gratiæ. Dico itaque cum Sancto Thoma hic, q. i. a. 7. Magistro in 3. Distinct. 25. D. Bonaventurâ a. 2. q. i. & Doctribus communiter, Fidem quoad substantiam non creuisse, sed eandem semper, ab ipsa mundi origine fuisse.

II.
Fides eadem
semper in
Ecclesia ex-
stans ab ipso
mundi ex-
ordio.

Ratio est: nam, ut docet S. Thomas citatus, tota Fidei substantia in duobus illis articulis contineri videtur, quod nimirum Deus sit, & quod inquirentibus se remunerato sit; in his quippe duobus, inquit S. Thomas, includuntur implicitè præcipua quæque circa Deum, ejusque providentiam; in primo siquidem, in esse scilicet divino, juxta S. Doctorem, continentur omnia, quæ credimus in Deo æternaliter existere, in quibus etiam beatitudine nostra objectiva consistit: in Fide autem de providentia illa omnia media includuntur, quæ de facto Deus ad salutis æternæ adhesionem ordinavit, & inter alia Incarnationem, & passio Christi, quia hæc de facto Deus ad æternæ vitæ consecrationem hominibus paravit, quamvis non hæc, sed alia media ad hunc effectum parare potuissent, tunc autem, non Incarnationem, & passio, sed illa alia media fuissent implicitè credita. Dixi in his duobus contineri præcipua, minora enim quædam non videntur in iis includi.

Ad Fidem
de providen-
tia spectant,
illa omnia,
que Deus de-
fatto ad ho-
minum sa-
lutem pro-
vidit.

Hoc ergò modo, de Fide scilicet implicitâ, intelligendum est S. Irenæus lib. 4. cap. 13. S. Augustinus epist. 51. & alii ex Patribus, dum dicunt eandem fuisse antiquorum, seu viventis ante Christum, Fidem, & nostram. Imò multi tam ante, quæ post diluvium explicitam Incarnationis Verbi, & præcipuum, quæ nos jam credimus, mysteriorum Fidem habuerunt. Sic Joan. 8. vers. 56. de Abraham dicit Christus: Exultavit ut videret diem meum: vidit, & gavisus est. De Davide etiam dicit idem Christus Matth. 22. v. 44. David in spiritu vocat eum Dominum. Adamum insuper in statu Innocentia explicitam Incarnationis Christi Fidem habuisse ostendit ex communi Patrum sententiâ Suarez tom. 1. in 3. par. q. 1. in Comment. a. 3. & probatur ex illo Gen. 3. vers. 15. Ipsa conteret capitulum, &c. Ex his ergò constat, semper in Ecclesia in primariis quibusdam personis fuisse Fidem Christi, etiam explicitam, omnes tamen passim hanc non habebant: Sic S. Gregorius homilia 16. in Ezechiële: Dei cognito, inquit, que in atribus spiritualibus fuit nota, toti populo Hebreworum non fuit: nam omnipotenter Deum, sanctam videlicet Trinitatem, cum propheta predicarent populus ignorabat, solum Decalogum tenebat in Fide, legem Trinitatis nesciens.

IV.
Fides tempo-
re Apostolo-
rum quoad
multa vide-
tur creuisse.

Tempore Apostolorum quoad multa creuisse videtur Fides: Unde Apostolis plurimæ veritates circa Sacraenta nova legis, Ecclesiasticam Hierarchiam, &c. revelatae sunt, quæ tamen semper creuisse, per non fuerunt expresse in Ecclesia cognitæ.

Apostoli itaque, utpote primitias spiritus habentes, longè perfectissimam habuerunt mysteriorum Fidei cognitionem, nullusque ex Doctribus, qui eos fecuti sunt, eos haec in parte superarunt: imò ut affirmat Suarez hic, Disp. 2. sect. 6. n. 10. à Theologis communiter temerarium censetur afferere Doctores Ecclesia, Apostolis posteriores, perfectius Fidei mysteria cognovisse, quæm cognoverint Apostoli. Quod verò Apostoli haec omnis perfectissimè sciverint, probatur in primis ex illo Joan. 14. v. 26. ubi de Spiritu sancto dicit Christus, ille vos docebit omnia, & sigeret vobis omnia, quæcumque dixerit vobis. Idemque habetur Joan. 16. v. 13. Cum autem venerit ille Spiritus veritatis, docebit vos omnem veritatem. Joan etiam 15. v. 15. ait Christus: Omnia quæcumque audivi à Patre meo, nota feci vobis. Hinc etiam Apostolus ad Ephesios 1. v. 8. sic loquitur: Secundum divitias gratia ejus, quæ superabundavit in nobis, in omni sapientia & prudentia. Idem in hunc locum ad Ephesios docet S. Ambrosius, S. Augustinus, S. Anselmus, & alii Patres. Ad quam rem Tertullianus cap. 22. de Praescript. Quis, inquit, integræ mentis credere potest, aliquia eos ignorasse, quos Magistros Dominus dedit.

Horum tamen omnium cognitionem non simul, & in ipso statim die Pentecostes habuerunt Apostoli, sed alia & alia ipsiis decursu temporis innoverunt: Petrus siquidem Actorum 10. revelationem accepit de conversione gentium. Actorum etiam 15. refertur quo pacto habitum fit primum Concilium circa cessationem legallum, &, post longam deliberationem decreatum est ut cessarent: non ergo statim ab initio hæc omnia Apostolos erant explorata.

Quæres secundò, Utrum possit etiamnum Ecclesia condere novos articulos Fidei, sumendo latè articulum Fidei juxta dicta Sectione præcente, num. ii. pro quacumque veritate per Fidem divinam credendam. Respondetur, propriè loquendo non posse, sicut nec modo crescent articuli Fidei.

Quamvis enim multa per infallibilem, quam habet, auctoritatem definire possit, posterioribusque hisce scilicet definiverit Ecclesia ac Fidei divinâ credenda proposuerit, quæ antea non fuerunt hoc modo definita, nec proposta; hoc tamen non est propriè novum Fidei articulum introducere, tum quia nihil jam definit Ecclesia, quod olim Apostoli, qui juxta dicta num. 4. habebant plenitudinem Spiritus, explicatissimâque rerum ad Fidem spectantium notitiam, explicitè perfectissimèque non cognoverint: tum quia licet particularia quædam hisce etiam scilicet definiat Ecclesia, ut hoc vel illud Concilium esse legitimum, & infallibilis auctoritatis, hunc esse verum Pontificem, & Caput Ecclesia, & id genus alia, hæc tamen omnia non ex novâ aliquâ revelatione definir, sed ex generali quadam Fidei veritate Apostolis priùs revelata (ut omne Concilium eo quo debet modo congregatum, esse legitimum, omnem Ecclesiam Romanam Episcopum, esse verum D. Petri successorem, totiusque Ecclesia Pastorem) per discursum deducit: sicutque non ea ratione novos Fidei articulos condit posterior Ecclesia, sicut eos considerunt Apostoli, qui non per disputationem & discursum, ac dependentiam ab aliis articulis revelatis, sed immediatè per revelationem à Deo acceptos Ecclesiae credendos proposuerunt. Nonnulli tamen, ut Valentia, Tannerus Disp. I. q. 1. dub. 7. n. 213. & alii, questionem esse putant

Nalis ex
Doctribus
Ap. scilicet po-
sterioribus
perfectius
Fidei myste-
ria cognove-
runt, quæm
ipsi.

V.
Myteria
Fidei non
omnia si-
mul, sed
successivè
Apostolis
innoverunt.

VI.
Postinmo-
do Ecclesia
novos con-
dere articu-
los Fidei.

Dubibus de
causis ne-
quit jam
Ecclesia no-
vos Fidei
articulos
condere.

Posterior
Ecclesia
dum veri-
tates Fidei
definit, illas
ex prius re-
velatis de-
ducit.

8 Disp. II. De objecto materiali Fidei. Sect. VI.

TOM. II. ut nō nomine, utrū dici possit novos jam aliquos Ecclesiam habere aut credere articulos, ab Apostolis explicitē non creditos.

SECTIO SEXTA.

An inter objecta credenda, seu veritates Fidei sit aliquis ordo.

I.
Duplex consideratio objectorum Fidei, in esse rei, & in esse credibilis.

QUAMVIS, ut supra diximus, veritates Fidei, sive ex creatis sint, sive increatae, quæ omnes sint credibiles, utpote quæ divinam auctoritatem æqualiter sibi habent applicatam, nec firmius aut certius uni quis adhæreat, quam alterius; quidam tamen inter eas reperitur ordo. Quis ergo qualisvis hic ordo sit, hoc loco est declarandum. Considerari verò hæc objecta seu veritates possunt, tum in esse rei, tum in esse credibilis, & de utroque aliquid dicendum.

II.
Inter Fidei veritates multiplex ordo repertur.

Ordo dignitatis, causatitatis, & temporis.

Si ergo veritates Fidei in esse rei spectentur, triplex præcipue numeratur in his ordo, *dignitatis, causatitatis, & temporis*. De primo nulla est difficultas, Deus enim, circa quem multi sunt Fidei articuli, dignior infinites est objectis creatis. Quoad causatitatem similiter res videtur clara, idque duobus modis, tum in genere causa efficientis, Deus siquidem omnium reliquorum objectorum, Fidei que veritas in rebus creatis est causa effectiva, & physica; tum etiam in genere causa quasi formalis, unum quippe objectum creditum, seu veritas Fidei, est remotè falso ratio quedam assentiendi alteri, & ad illam credendam, aliquo modo determinat. Tandem quoad ordinem temporis, æterna hoc modo antecedunt temporalia.

III.
Objecta in propositionibus Fidei, diversis de se invicem modis praedicantur.

Ut autem res hæc melius intelligatur, notandum varias fieri posse comparationes, quibus Fidei objecta de se invicem prædicantur; primò enim & præcipue divina prædicanter de divinis, ut cùm dicimus: *Sanctissima Trinitas est æterna, immensa, omnipotens: Spiritus Sanctus procedit à Patre & Filio, Deus erat Verbum, &c.* has autem Fidei veritates certum est ordinis dignitatis esse primas. Secundò; objecta creatae de increatis, aut è contra increata de creatis dicuntur, ut *Deus est homo, Deus creat, Verbum incarnatur, & è contrario: Homo erat Deus, & familiæ: hæc vero propositiones sunt secunda quoad dignitatem, utpote quæ ex objectis partim creatis constant. Tertium demum, & infimum veritatum Fidei genus est, quando creatum dicitur de creato, ut *Cain occidit Abelum, Noë erat vir justus, &c.**

IV.
Vrum inter objecta materialia Fidei detur ordo dependens.

Jam verò si hæc objecta considerentur in esse credibilis, non levis est difficultas, utrum inter objecta materialia Fidei sit aliquis ordo dependentia, & unum credibile sit prius alio, seu, quod alii termini inquiri solet, an detur inter materialia objecta *primum credibile*, à quo nimirum objecta cetera in esse credibilis dependant. Materialia autem objecta hæc sumimus prout distinguuntur à formalib.

V.
Inter objecta materialia Fidei nullus est ordo in ratione credibilitatis.

Verius mihi hac in parte videtur, inter objecta Fidei merè materialia nullum dari ordinem in esse credibilis, sicque non dari primum aliquod credibile, seu objectum materiale, à quo credito actus credendi alia dependeat: & universum ex ultimo nullum objectum materiale Fidei ad aliud credendum præsupponi. Ratio est: nullum siquidem ex objectis materialibus Fidei est ex natura rei prius alio in ratione credibilis, ita nimirum.

rum, ut nisi hoc prius credatur, alia credi non possint: cùm ergo Deus, quicquid revelat, revelet liberè, potest quocumque velit objectum prius revelare, & intellectus illud credere.

Dices: nullum omnino objectum credi potest fide divinæ, nisi quis credit, & Deum esse veracem, seu nec falli posse, nec fallere, & cum hoc objectum de facto revelasse: ergo hæc duo objecta sunt duo principia, quibus innititur cuiuscumque mysterii Fides, & consequenter ante credi debent, quæ possint credi alia. Sed contra: nos enim loquimur tantum de objectis materialibus Fidei, veritas autem & dictio sunt objectum formale, seu ratio cur alia credantur, siquæ nil mirum si prius credi debeat, quæ re aliqua.

VI.

Veracitas, & dictio Dei ad omnime objectum credendum sunt necessaria.

Secundò tamen videtur dici posse; licet quisquis credit objectum aliquod, futurum scilicet diem judicii quia Deus dixit, credere necessariò debeat Deum hoc dixisse, non tamen videtur requiri, ut actu alio Fidei hunc actum antecedente, istud credit, sed sufficit ut per eundem actum quo propter divinam dictiōnem credit futurum iudicium, credat etiam hoc Deus dixisse: etiamsi in primâ Fidei generatione contrarium frequenter contingat. Hoc verò maximè sequi videtur in illa sententiâ, quæ asserit motiva Fidei, non essentialiter, sed moraliter tantum cum objecto revelato, ejusque revelatione connecti, ergo non requiritur, ut actu aliquo prævio Fidei hæc Dei dictio credatur, sed sufficit ut eadem operatione in actu exercito unâ credatur cum objecto materiali, quod de actu, quo creditur ipsa dictio Dei, necessariò est afferendum, alioquin ibit in infinitum. Idem suo modo dici etiam posse videtur de veritate, seu infallibili Dei auctoritate in dicendo. Objectum tamen formale est faltem ratione, & aliquo modo naturâ prius materiali, cùm hoc propter illud credatur, non è contra. Sed hac de re postea recurret sermo, ubi de objecto formalis Fidei, veritate nimirum & dictione Dei disputabitur.

VII.

Non videtur necessarium, ut actus Fidei supponat veritatem & dictiōnem Dei prius creditam.

Dices secundò: quidam magis, quæ alia sunt necessariò ad salutis adoptionem credenda, ergo aliquis inter hæc objecta est ordo. Distinguo consequens: est aliquis ordo quoad necessitatem, concedo consequentiam; prioritatis quoad credibilitatem, nego; quoad aptitudinem namque ad credendum, hæc se invicem plane sunt independentia, unde si Deus objectum minus necessarium prius revelaret, posset prius credi. Quamvis etiam inter objecta materialia unum sit objectum attributionis, sicque ordo quidam dignitatis, & relationis, cùm objecta attributa ad objectum attributionis referantur, non tamen est ordo prioritatis ad credendum, ita ut si Deus reveleret objectum aliquod attributum, credi nequeat nisi prius reveletur & creditur objectum attributionis. Licet ergo inter objectum formale Fidei, veritatem scilicet & dictiōnem Dei, & materialia sit ordo aliquis dependentia, seu illationis, juxta dicta num. 6. & 7. cùm materiale credatur propter formale, nempe dies judicii propter veritatem & dictiōnem divinam, non hæc propter diem judicii, inter objecta tamen materialia hujuscemodi ordo non reperitur.

VIII.

Objectum attributionis est prius dignitatis, non credibilitatis.

Quaret tandem hæc aliquis, si hæc objecta formalia inter se comparentur, veritas scilicet & dictio, utrum ex his objectis sit prius? Suarez hic, Disp. 2, Sect. 4. num. 14. ait, in esse dictio.

IX.

Quodnam ex objectis formalibus sit prius, veritas, an dictio.